

monstrarunt, quod venerabilis frater noster Attrebatensis episcopus ad instanciam canonicorum ¹⁾ Attreb. occasione quorundam cereorum et aliarum rerum, que ab eis contra justiciam repetebant, post appellationem ad nos legitime interpositam eos pro sue voluntatis arbitrio excommunicare presumpsit. Ideoque discretioni vestre per apostolica scripta mandamus, quatinus si sententiam ipsam post appellationem ad nos legitime interpositam noveritis esse latam, eam denuntietis penitus non tenere. Alioquin ab ipsis super his, pro quibus excommunicati habentur, sufficienti cautione recepta, eis absolutionis beneficium impendatis, et injuncto eisdem quod de jure fuerit injungendum, audiat si quid fuerit questionis, et illud appellatione remota fine debito terminetis, facientes quod decreveritis per censuram ecclesiasticam firmiter observari. Quod si non omnes etc. Datum Rome apud Sanctum Petrum x. Kal. Juni. pontificatus nostri anno viij^o. (1205, Mai 23).

Von dem übrigen Inhalt lassen wir jetzt folgen, was noch irgend Anspruch auf Beachtung zu haben scheint.

(f. 99 v.) Lodovicus Caunoten. episcopus ²⁾ tam omnibus decanis quam presbiteris in terra ducis Lothoringie constitutis salutem. Scire vos volumus, quod nos ad conquestionem Roberti virum nobilem ducem Lothoringie auctoritate apostolica fecimus die tali submoneri ³⁾ semel et iterum ⁴⁾. Verum quia idem dux die illo tam pro se mittere quam venire contempsit, vobis mandamus et in virtute precipimus obedientie, quatinus personam ejusdem ducis excommunicatione et totam ejus terram interdicti sententia percellatis, ibidem nullam facientes cristianitatem preter viaticum et baptisma. Alioquin sciatis quod nos singulorum inobedientiam et negligentiam suspensionis sententia puniemus ⁵⁾.

(f. 102.) Justis petentium desideriis dignum est nos facilem prebere consensum, et vota que a rationis tramite non discordant, effectu prosequente prosequere ⁶⁾. Eapropter, in Domino dilecti filii, vestris justis petitionibus ⁷⁾ grato concurrentes assensu, litteris presentibus interdicimus, ne terras vestras liceat alicui vendere vel alio modo alienare vel pignori obligare, vel alicui fratrum vestrorum pro aliquo fidejubere, absque consensu abbatis et capituli vestri aut majoris et sanioris partis ejusdem. Quod si factum fuerit, decernimus irritandum. Prohibemus insuper, ne quis inter fines parrochiarum vestrarum capellam vel oratorium sine vestro et episcopi diocesani assensu dedicare presumat, salvis privilegiis pontificum Romanorum.

1) canonum Hs. 2) Wer damit gemeint ist, vermag ich nicht zu sagen. Weder Chartres noch Cambrai passt. 3) submoueri Hs. 4) iterum Hs. 5) puniemus Hs. 6) sic! 7) petitionibus postul. Hs.